



N°3889
Entrée le 09.04.2026
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 10.04.2026
Chambre des Députés

Här Claude Wiseler
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 8. Abrëll 2026

Här President,

esou wéi d'Chambersreglement et virgesäit, bieden ech Iech, dës parlamentaresch Fro un den Här
Ekonomieminister an den Här Finanzminister weiderzeleeden.

International gëtt de Phenomen vun där sougenannter "Shrinkflation", déi ee graff mat Trickflatioun
kéint iwwersetzen, am Kader vum Konsumenteschutz ëmmer méi staark diskutéiert. Heibäi handelt et
sech ëm e Virgang, wou d'Hiersteller vu bestëmmte Produiten de Präis zwar nominal net änneren an
domat net zur klassischer Inflatioun bäidroen. Amplaz gëtt awer d'Quantitéit geschrumpft, oder den
Inhalt anescht zesummegeat. Besonnesch am Liewensmëttelberäich kënnt dee Phenomen dacks vir. Zu
Lëtzebuerg sollen d'Konsumenten eigentlech duerch den Index, deen op der wëssenschaftlecher Basis
vum Wuerekuerf berechent gëtt, virun all ze staarker Inflatioun geschützt ginn.

An deem Zesammenhang géif ech dem Här Finanzminister gär dës Fro stellen:

- 1) Wéi gëtt de Phenomen vun der Trickflatioun am Wuerekuerf berécksiichtegt, fir déi
deementspriechend wëssenschaftlech Integritéit ze schützen an eng verstoppt Schwächung
vum Index ze vermeiden?

Mat déiwem Respekt,



Fred Keup
Deputéierten